

修訂日期: 2004/11/14 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 85, No. 2848

原始資料: 蕭鎮國大德提供, 北美某大德提供

No. 2848

迴向文

復持勝善次用莊嚴。當今大唐聖主。伏願聖壽剋昌皇□□金輪與沈輪齊轉。舜日與佛日□□高視百王長新萬劫 皇太子潛星。少海澄闌。盤石增高。惟城作鎮。

故持勝善次用莊嚴。今六和尚伏願長承帝澤。為灌頂之國師。永鎮台階。贊明王之治化。

次持勝善次用莊嚴 都僧統和尚。伏願智山峯崇聳。德海洪深。命等松筠。福慶遐遠。即使長承國寵。永扇慈風。嘉聲溢於□中。雅範流於像季。

次持勝善次用莊嚴 尚書貴體。伏願福山永固。神壽無疆。功業高於雲山。德量深於巨海。出持旌節以靜萬方。入坐朝堂百寮取則。來逢元日恒保□春。命等松筠壽同劫石。

又持勝福次用莊嚴 大夫伏願形同大地歷千載。所恒安福比山河。跨萬齡而永固。然後振芳聲於帝里。翔翼雲衢流雅譽。於鸞池濯鱗漢水。

又持勝善次用莊嚴 安姚二侍御。伏願聳瓊臺於天外。飛紫蓋於雲衢。命與天長福將地遠。保離區□動止獲安。嚮震八方往還清吉。

次持勝善次用莊嚴 尚書姦子紹千秋之寵。恒居萬代之榮。忠孝雙全。朱門繼襲。

次持勝善次用莊嚴 釋門教授等。伏願榮貴轉新香名霞布。入信帝坐出統僧拳。群生因類次昇高。苦海恒施於寶筏。

次持勝善次用莊嚴 釋門法律等。惟願色力增固。壽命霞延。常為苦海之津梁。鎮作法門之牆塹。

次持勝福次用莊嚴 都督公等。壽遐遠日往月來。福慶相暉。天長地久。

次持勝福次用莊嚴 都部落使等。惟願福祿唯承歡誤。日新榮名[利-禾+堯]昌。美譽霞備城隍奈彩。盡亦盡忠。部落官奈。為唯清唯直。

次持勝福次用莊嚴 尊宿大德等。長垂像訓匡護法城。永耀慈燈紀綱梵宇。

次持勝善次用莊嚴 諸法將大德等。唯願智山岌立德水澄清。禪枝茂而覺花敷。戒香熏而惠珠朗。

次持勝福次用莊嚴 諸尼大德等。唯願四依恒滿六度專精。意樹恒春心燈永耀。八功德水去垢除災。七淨妙花莊嚴法體。

次持勝福次用莊嚴 卿官父杖等。惟願壽同松柏福比江湖。萬歲千秋莫風莫變。

次持勝福次用莊嚴 諸父杖等。唯願一聞千悟得大總持。罪垢不日而消除。功德善芽而增長。亦願春秋納慶寒暑順宜。保富貴於千齡。演休祥於累劫。

次持勝福次用莊嚴 李和尚等。但某乙久蒙示訓。虛接鼎堂。恨生前不盡指揮。沒後慚昇法座。以此思忖倍益□□開讚之物奉申迴向。一唯願神遊奈苑欽覺□以尋真。夕慙花臺染戒香而奉聖金輪展轉。常馳歡喜之園室茂斯遊。迥汎□功德水。

次持勝福次莊嚴 某乙過□父母所生魂路。伏願足步金□神遊□界。過慈舟於定水永竭昏河。揮惠劍於相材長被受□。□於親族成□□潔遠□枝羅俱霑潤益。